

ჩოხატაურის მუნიციპალიტეტის მიერ 2016 წელში განხორციელებული სახელმწიფო შესყიდვების შესახებ

ა ნ გ ა რ ი შ ი

ჩოხატაურის მუნიციპალიტეტის მუნიციპალური შესყიდვებისა და მატერიალურ-ტექნიკური უზრუნველყოფის სამსახურის მიერ 2016 წელში განხორციელებული იქნა ყველა ის უფლებამოსილება, რაც ადგილობრივი თვითმმართველობის კანონით და სამსახურის დებულებით იყო გათვალისწინებული.

2016 წელს მუნიციპალიტეტის სახელმწიფო შესყიდვების გეგმის შესაბამისად განხორციელებული იქნა სახელმწიფო შესყიდვები. განხორციელდა ღონისძიებები საკანონმდებლო და აღმასრულებელი ორგანოების შეუფერხებლად ფუნქციონირებისათვის მატერიალურ-ტექნიკური უზრუნველყოფის კუთხით.

სახელმწიფო შესყიდვები განხორციელებული იქნა საქართველოს კანონის „სახელმწიფო შესყიდვების შესახებ“ შესაბამისად მთავარი პრინციპების დაცვით, რაც წარმოადგენს „სახელმწიფო შესყიდვების“ კანონის მიზანს. კერძოდ, საანგარიშო პერიოდში განხორციელებულმა შესყიდვებმა უზრუნველყო ფულადი სახსრების რაციონალური ხარჯვა. მუნიციპალიტეტის საჭიროებისათვის აუცილებელი საქონლის, მომსახურეობის და სამუშაოს შესყიდვის პროცესში ხელი შეუწყო ჯანსაღი კონკურენციის განვითარებას. უზრუნველყოფილი იყო სახელმწიფო შესყიდვების განხორციელების დროს შესყიდვაში მონაწილეების მიმართ სამართლიანი და არადისკრიმინაციული მიდგომა, ამაღლდა მუნიციპალიტეტის მიერ განხორციელებული შესყიდვების საჯაროობის დონე, რამაც საზოგადოებაში ხელი შეუწყო ჩვენს მიერ განხორციელებული შესყიდვების მიმართ ნდობის ჩამოყალიბებას. დაცული იყო ყველა განხორციელებული შესყიდვების გამჭვირვალობა.

2016 წელში მუნიციპალიტეტის მიერ განხორციელებული იქნა ადგილობრივი ბიუჯეტით 676332,1 ლარის შესყიდვა, სახელმწიფო ბიუჯეტით 6754017 ლარის შესყიდვა, დადებული იქნა 282 ხელშეკრულება: გამარტივებული შესყიდვით - 228 ხელშეკრულება, გამარტივებული ელ ტენდერით - 36 ხელშეკრულება, ელექტრონული ტენდერით - 12 ხელშეკრულება, კონსოლიდირებული ტენდერით - 6 ხელშეკრულება.

სულ ჩატარებული იქნა 76 ტენდერი, მათ შორის: გამარტივებული ელექტრონული ტენდერი 36, ელექტრონული ტენდერი 12, უარყოფითი შედეგით დასრულდა 4, არ შედგა 18 ტენდერი, შეწყვეტილი იქნა 6 ტენდერი.

ტენდერებიდან გამოთავისუფლებულმა ეკონომიამ ადგილობრივ ბიუჯეტში შეადგინა 27531,50 ლარი.

ჩოხატაურის მუნიციპალიტეტს 2016 წელში სახელმწიფო ბიუჯეტით გამოიყო - 6 754 017 ლარი:

2016 წლის 4 თებერვლის N175 განკარგულებით (საქართველოს რეგიონებში განსახორციელებელი პროექტების ფონდიდან ადგილობრივი თვითმმართველი ერთეულებისათვის თანხის გამოყოფის შესახებ) გამოყოფილი იყო - 2 377 721 ლარი, რომელზეც გაფორმდა 11 ხელშეკრულება 1172396 ლარზე, საიდანაც თანადაფინანსების 5% - 58619,8 ლარი დაფინანსებულია ადგილობრივი ბიუჯეტიდან, ფაქტიურად აღნიშნული განკარგულებიდან ხელშეკრულებებზე გახარჯული დარჩა 113776,2 ლარი, ტენდერებიდან გამოთავისუფლებულმა თანხამ (ეკონომია) შეადგინა - 150434 ლარი, რომელსაც გამოაკლდა ტენდერის ჩატარების საფასური - 575 ლარი და სრული ეკონომია დარჩა - 149859 ლარი.

2016 წლის 19 თებერვლის N265 განკარგულებით (სოფლის მხარდაჭერის პროგრამის ფარგლებში საქართველოს სახელმწიფო ბიუჯეტიდან ადგილობრივი თვითმმართველი ერთეულებისათვის თანხის გამოყოფის შესახებ) გამოყოფილი თანხაა - 630263 ლარი. აღნიშნული განკარგულებით გაფორმდა - 54 ხელშეკრულება 592328,8 ლარზე, რომელზეც გაიხარჯა ტენდერის საფასური - 2575 ლარი.

2016 წლის 18 ივლისის N1340 განკარგულებით (სტიქიის შედეგების სალიკვიდაციო ღონისძიებების განხორციელების თაობაზე) ჩოხატაურის მუნიციპალიტეტს გამოეყო - 223 140 ლარი. გაფორმდა 5 ხელშეკრულება - 222 901 ლარზე, რომელზეც გაიხარჯა ტენდერის ჩატარების საფასური - 225 ლარი.

2016 წლის 28 ივლისის N1409 განკარგულებით (სტიქიის შედეგების სალიკვიდაციო ღონისძიებების განხორციელების თაობაზე) გამოყოფილი იყო 748 000 ლარი, აღნიშნული განკარგულებით გაფორმდა - 23 ხელშეკრულება - 746975 ლარზე, რომელზეც ტენდერის ჩატარების საფასური გაიხარჯა - 1025 ლარი.

2016 წლის 18 ივლისის N1533 განკარგულებით (სტიქიის შედეგების სალიკვიდაციო ღონისძიებების განხორციელების თაობაზე) ჩოხატაურის მუნიციპალიტეტს გამოეყო 902 600 ლარი, რომელზეც გაფორმდა - 14 ხელშეკრულება 901935 ლარზე. აღნიშნული განკარგულებით ტენდერის ჩატარების საფასური გახარჯულია - 650 ლარი.

2016 წლის 21 მარტის N485 განკარგულებით (ადგილობრივი თვითმმართველი ერთეულებისათვის სტიქიის შედეგების სალიკვიდაციოდ ზოგიერთი ღონისძიების განხორციელების თაობაზე) გამოყოფილი თანხაა - 1872293 ლარი, რომელზეც გაფორმებულია 2 ხელშეკრულება. აღნიშნულ განკარგულებაზე ტენდერიდან გამოთავისუფლებული თანხა - 172293 ლარი 2016 წლის 16 სექტემბერს N1899 განკარგულებით (ჩოხატაურის მუნიციპალიტეტის მიერ განსახორციელებელი ღონისძიებების შესახებ) მიიმართა 8 ივლისის მუნიციპალიტეტის ტერიტორიაზე მომხდარი სტიქიური მოვლენების შედეგების სალიკვიდაციო ღონისძიებებისთვის საჭირო სარეაბილიტაციო სამუშაოებისა და მასთან დაკავშირებული საპროექტო მომსახურებზე. აღნიშნული განკარგულებით გაფორმდა 8 ხელშეკრულება - 171 887,69 ლარზე, რომელზეც ტენდერის ჩატარების საფასული გაიხარჯა - 400 ლარი.

ტენდერების ჩატარებას უზრუნველყოფდა გამგებლის ბრძანებით შექმნილი სატენდერო კომისია - 5 კაცის და აპარატი - 4 კაცის შემადგენლობით. ჩატარებული იქნა სულ 228 კომისიის სხდომა.

ხელშეკრულების პირობების შესრულებას და მიღება-ჩაბარებას მომსახურებისა და სამუშაოს კუთხით უზრუნველყოფდა გამგებლის ბრძანებით შექმნილი ინსპექტირების ჯგუფი, რომლის მიერ ადგილზე ხორციელდა შესყიდვების ინსპექტირება და ხელშეკრულების პირობების შესრულებისათვის საჭირო ღონისძიებების განხორციელება. მუნიციპალიტეტის მიერ დადებული ხელშეკრულებებიდან დღეის მდგომარეობით დაუსრულებელია 4 ხელშეკრულებით გათვალისწინებული სამუშაო. აღნიშნულ ხელშეკრულებებს ინსპექტირების ჯგუფის დასკვნის საფუძველზე გაუგრძელდათ შესრულების ვადები.

ინსპექტირების ჯგუფის მიერ საჯარიმო სანქცია დაერიცხა 10 მიმწოდებელს, შავ სიაში განთავსებული იქნა 2 მიმწოდებელი. შესრულებულ მომსახურებასა და სამუშაოებზე შედგენილი იქნა მიღება-ჩაბარების აქტები და ექსპერტიზის დასკვნები, გაცემული ლევან სამხარაულის ექსპერტიზის ბიუროს ან აკრედიტირებული საექსპერტო ორგანოების მიერ.

დასკვნების საფუძველზე ჩანს, რომ სამუშაოების შესრულების ხარისხი არის დამაკმაყოფილებელი.

2016 წელში სახელმწიფო შესყიდვები განხორციელდა სახელმწიფო შესყიდვების კანონის შესაბამისად მონეტარული ზღვრების სრული დაცვით. კანონში ცვლილებების შესაბამისად შესყიდვები ხორციელდებოდა სახელმწიფო შესყიდვების სააგენტოს ყველა რეკომენდაციის გათვალისწინებით, დანერგილი იქნა შესყიდვების განხორციელება აუქციონის გარეშე, რამაც კიდევ უფრო გამჭვირვალე გახადა შესყიდვების განხორციელება. სამსახურის ყველა თანამშრომელი პასუხისმგებლობით ეკიდებოდა მის მოვალეობას, საქართველოს მთავრობასთან არსებული საჯარო სამსახურის ბიუროს მოთხოვნის შესაბამისად ყველა თანამშრომელმა გაიარა ტესტირება სახელმწიფო შესყიდვების სააგენტოში და მიიღეს შესაბამისი სერთიფიკატები. სამსახური კონსულტაციას უწევს მუნიციპალიტეტის ტერიტორიაზე არსებულ საბიუჯეტო ორგანიზაციებს. სამსახურს არ გააჩნია კომუნიკაციის არავითარი პრობლემა. ჩვენ ვცემთ ყველა კითხვას პასუხს ჩვენი კომპეტენციის ფარგლებში, რომელსაც ჩვენს წინაშე აყენებს საკრებულო, კომისიები, ფრაქციები და აღმასრულებელი ორგანოს სამსახურები.

სამსახური მატერიალურ-ტექნიკური უზრუნველყოფის მიზნით შეუფერხებლად უზრუნველყოფს საკანონმდებლო და აღმასრულებელი ორგანოების სამსახურებს ფუნქციონირებისათვის საჭირო მასალებითა და ინვენტარით. უზრუნველყოფს მუნიციპალიტეტის ბალანსზე არსებული ტრანსპორტის ტექნიკურ მომსახურებასა და გამართულ მდგომარეობაში მოყვანას. არ ყოფილა შემთხვევა, რომ სამსახურის გამო რომელიმე სტრუქტურული დანაყოფის ფუნქციონირებას ხელი შეშლოდეს.

მუნიციპალური შესყიდვებისა და მატერიალურ-ტექნიკური უზრუნველყოფის სამსახური აქტიურად არის ჩართული სახელმწიფო შესყიდვების სააგენტოსთან კანონშემოქმედებით ღონისძიებებში. ჩვენს მიერ სააგენტოში წარდგენილი იქნა 18 წინადადება სახელმწიფო შესყიდვების კანონთან მიმართებაში. დავესწარით ახალი კანონის პროექტის განხილვის პროცესს, სადაც ჩვენს მიერ დაყენებული რამდენიმე წინადადება ასახვას ჰპოვეს ახალ კანონში.

ჩოხატაურის მუნიციპალიტეტის გამგეობის მუნიციპალური შესყიდვებისა და მატერიალურ-ტექნიკური სამსახური თავის მუშაობას განახორციელებს საქართველოს კანონის „სახელმწიფო შესყიდვების შესახებ“ შესაბამისად.